

DEWAN BANDARAYA KUALA LUMPUR  
JABATAN PENGUATKUASAAN



*DOKUMEN SEBUT HARGA*

TAJUK :

**PENJUALAN PELBAGAI ASET ALIH DATUK BANDAR  
KUALA LUMPUR (KENDERAAN BURUK) DAN  
(MOTOSIKAL BURUK)**

Sebut harga ini adalah terbuka dan dipelawa kepada mana-mana syarikat yang berminat untuk membeli pelbagai aset alih seperti yang dinyatakan dalam senarai pada muka surat seterusnya. Sebut harga yang telah lengkap diisi perlu dimasukkan ke Peti Sebut harga, Jabatan Pentadbiran (Bahagian Pengurusan Perolehan) Tingkat 32, Menara DBKL 3, Jalan Raja Abdullah, 50300 Kuala Lumpur.



**DEWAN BANDARAYA KUALA LUMPUR**  
**JABATAN PENGUATKUASAAN**

**KENYATAAN TAWARAN SEBUT HARGA**  
**PELBAGAI ASET ALIH DATUK BANDAR KUALA LUMPUR (KENDERAAN BURUK)**  
**DAN (MOTOSIKAL BURUK )**

- 1) Tawaran sebut harga ini adalah dipelawa dari mana-mana syarikat yang berdaftar dengan Kementerian Kewangan Malaysia (KKM) di bawah Kod Bidang 221902 (Membeli Barang Lusuh Perlu Permit PDRM) untuk membeli pelbagai aset alih seperti berikut:

| Bil. | Keterangan aset                       | Kuantiti      | Harga Simpanan (RM) |
|------|---------------------------------------|---------------|---------------------|
| 1.1  | Kenderaan Buruk ( <i>Iron Scrap</i> ) | Satu (01) Lot | RM237,140.00        |
| 1.2  | Motosikal buruk ( <i>Iron Scrap</i> ) | Satu (01) Lot |                     |

- 2) Sebanyak satu (1) lot aset alih kenderaan buruk (*Iron Scrap*) dan motosikal buruk (*Iron Scrap*) dibuka untuk tawaran.
- 3) Kenderaan buruk (*Iron Scrap*) dan motosikal buruk (*Iron Scrap*) yang diiklankan untuk tawaran sebut harga ini boleh dilihat di **Depoh Tunda Kenderaan Penguatkuasaan DBKL, Lot 480917, Jalan Pantai Sentral 1, 59200 Kuala Lumpur.**
- 4) Tawaran sebut harga boleh dibuat dengan menggunakan Borang Sebut harga Pelupusan Aset Datuk Bandar Kuala Lumpur (KEW.PA 28). Tawaran hendaklah sah bagi tempoh sembilan puluh (90) hari dari tarikh tutup iklan sebut harga ini.
- 5) Dokumen Sebut harga yang telah lengkap diisi hendaklah dimasukkan ke dalam sampul surat yang dimeterikan dan ditulis di sebelah atas kiri sampul No. Sebut harga serta tajuk kerja berkaitan dan dimasukkan ke dalam peti sebut harga tersebut di Jabatan Pentadbiran (Bahagian Pengurusan Perolehan) Tingkat 32, Menara DBKL 3, Jalan Raja Abdullah, 50300 Kuala Lumpur tidak lewat dari jam 12.00 tengahari pada tarikh tutup sebut harga. **TAWARAN SEBUT HARGA YANG LEWAT DITERIMA TIDAK AKAN DIPERTIMBANGKAN.**

**(NOR HASHIDA BINTI HARUN)**

Timbalan Pengarah  
Jabatan Penguatkuasaan  
b.p Datuk Bandar Kuala Lumpur

## SYARAT-SYARAT DAN PERATURAN-PERATURAN SEBUT HARGA

1. Penyebut harga yang berminat **DIWAJIBKAN** melampirkan salinan sijil dari Kementerian Kewangan Malaysia (KKM) di bawah **Kod Bidang 221902** (Membeli Barang Lusuah Perlu Permit PDRM). Penyebut harga juga hendaklah mematuhi keseluruhan syarat dan melampirkan dokumen-dokumen yang dinyatakan seperti berikut:
  - i. Lesen Kemudahan Rawatan Automotif Berlesen (*Authorised Automotive Treatment Facility*) (AATF) di bawah (Kod SW 102) daripada Jabatan Alam Sekitar,
  - ii. Surat kebenaran bertulis bagi membina Kemudahan Rawatan Automotif Berlesen (*Authorised Automotive Treatment Facility*) (AATF) daripada Jabatan Alam Sekitar,
  - iii. Surat persetujuan untuk kerjasama di antara penyebut harga dan syarikat yang telah dilesenkan oleh Jabatan Alam Sekitar untuk mematuhi keperluan syarat yang dinyatakan di perkara 1 (i) dan (ii) DAN
  - iv. Dokumen pendaftaran hakmilik tanah sama ada di bawah pemilikan penyebut harga atau dilupuskan melalui pajakan/penyewaan sebagai bukti penyebut harga mempunyai sebidang tanah bagi tujuan meletakkan atau menyimpan atau sebagai depoh simpanan untuk dijadikan tapak simpanan bagi penanggalan, peleraian atau pembongkaran pelbagai aset alih.
2. Kenderaan buruk dan motosikal buruk yang ditawarkan dalam tawaran sebut harga ini akan dijual tertakluk kepada harga simpanan yang ditetapkan oleh jabatan.
3. Bagi tujuan sebut harga ini, penyebut harga adalah dikehendaki menyertakan **deposit sebanyak RM11,500.00**. Deposit hendaklah dibuat melalui kaedah-kaedah berikut:-
  - (i) kiriman wang;
  - (ii) wang pos;
  - (iii) draf bank; atau
  - (iv) *Cashier's Order*

Deposit yang dikemukakan hendaklah dibuat atas nama Datuk Bandar Kuala Lumpur.

4. Tawaran sebut harga yang dibuat tanpa dan/atau kurang dari deposit yang ditetapkan di bawah sebut harga ini **tidak akan dipertimbangkan**.
5. Semua pelbagai aset alih yang ditawarkan di bawah sebut harga ini adalah sebagaimana keadaannya semasa dilihat **(as is where is)**.
6. Datuk Bandar Kuala Lumpur tidak akan bertanggungjawab ke atas keseluruhan atau mana-mana bahagian kenderaan buruk yang telah ditawarkan kepada penyebut harga yang berjaya. Penyebut harga yang berjaya juga **hendaklah memastikan kenderaan buruk dan motosikal buruk yang ditawarkan penjualannya tidak akan digunakan semula samada secara keseluruhannya atau sebahagiannya di atas mana-mana jalan** kecuali bahagian-bahagian kecil yang terhasil daripada proses penanggalan, peleraian, pembongkaran sama ada melalui penggantian dalam bentuk alat ganti, pengitaran semula melalui proses kitar semula, besi buruk dan sebagainya. Segala isu dan permasalahan yang timbul dan berbangkit selepas dari tawaran penjualan kenderaan buruk adalah menjadi tanggungjawab penyebutharga yang berjaya sepenuhnya.
7. Semua perbelanjaan berkaitan pembelian kenderaan buruk an motosikal buruk seperti kos menanggal, meleraai atau membongkar, mengangkut dan sebagainya hendaklah ditanggung oleh penyebut harga sendiri. Proses penanggalan, peleraian atau pembongkaran melibatkan kenderaan buruk dan motosikal buruk yang berjaya dibida **tidak boleh** dilakukan di dalam atau di sebahagian kawasan depoh simpanan milik Dewan Bandaraya Kuala Lumpur.
8. Penyebut harga hendaklah memastikan apa-apa kebenaran, permit dan/atau lesen yang perlu dipatuhi dan diperolehi dari mana-mana agensi yang berkaitan diperolehi terlebih dahulu sebelum memulakan kerja-kerja di tapak.
9. Penyebut harga hendaklah sentiasa menanggunggrugi daripada sebarang tanggungan, liabiliti, tindakan, prosiding, tuntutan, permintaan, kos, gantrugi dan perbelanjaan yang dikenakan ke atas Datuk Bandar Kuala Lumpur dibawah mana-mana undang-undang Malaysia bagi sebarang kecuaian, kelalaian dan/atau pengabaian penyebutharga di sepanjang tempoh kerja-kerja tersebut dilaksanakan.

10. **Penyebut harga yang berjaya** hendaklah membuat **pembayaran penuh dalam tempoh tujuh (7) hari** dari tarikh pemberitahuan keputusan di pejabat **Menara Penguatkuasa, Dewan Bandaraya Kuala Lumpur, No.17, Jalan Yaakob Latif, Bandar Tun Razak atau di Bahagian Hasil, Jabatan Kewangan, Tingkat 6 Menara DBKL 2, Jalan Raja Laut, 50350 Kuala Lumpur.** Sebarang rayuan tidak dibenarkan. Jika bayaran tidak dijelaskan dalam tempoh tersebut, deposit sebut harga tidak akan dikembalikan dan boleh menyebabkan tawaran ini terbatal. Bagi penyebutharga yang tidak berjaya, deposit sebut harga akan dikembalikan.
11. Penyebut harga dikehendaki mengemukakan **satu (1) salinan bagi resit pembayaran penuh** yang dibuat semasa mengambil kenderaan buruk di **Depoh Tunda Kenderaan Penguatkuasaan DBKL, Lot 480917, Jalan Pantai Sentral 1, 59200 Kuala Lumpur.** Pengambilan dan pengeluaran kenderaan buruk **hendaklah** dilakukan dalam **waktu bekerja jam 8.00 pagi sehingga 5.00 petang sahaja.** Penyebutharga yang berjaya dimestikan mengambil keseluruhan kenderaan buruk yang dibida dan melakukan kerja pembersihan di tapak.
12. Penyebut harga yang berjaya hendaklah mengambil keseluruhan kenderaan buruk dan motosikal buruk dalam **tempoh 30 hari daripada tarikh surat arahan kerja yang dikeluarkan Jabatan Penguatkuasaan.** Jika penyebutharga gagal menguruskan pengambilan kenderaan buruk dan motosikal buruk di dalam tempoh yang ditetapkan, caj denda lewat akan dikenakan dengan kadar **Ringgit Malaysia Dua Ratus Sahaja (RM200.00)** bagi tempoh sehari kelewatan. Jumlah penuh caj denda lewat ini perlu **dijelaskan** sebelum penyebu tharga dibenarkan untuk menyambung pengambilan dan pengeluaran apa-apa kenderaan buruk yang telah berjaya dibida.
13. Wang deposit akan dipulangkan apabila kerja-kerja pengambilan dan pengeluaran kenderaan buruk dan motosikal buruk diselesaikan sepenuhnya.
14. Penyebut harga yang berjaya dinasihatkan untuk **mengambil dengan segera** semua kenderaan buruk dan motosikal buruk yang telah dijelaskan bayarannya. Datuk Bandar Kuala Lumpur tidak bertanggungjawab di atas keselamatan dan sebarang kecacatan, kerosakan atau kehilangan dari lot kenderaan buruk dan motosikal buruk **selepas tempoh yang dinyatakan dalam perkara 12.**

**BORANG SEBUT HARGA PELUPUSAN ASET ALIH**

Nama Individu/ Syarikat :

No. Kad Pengenalan/ Pendaftaran Syarikat :

Alamat:

---



---



---

Kepada:

---



---



---

(Nama dan Alamat Kementerian atau Jabatan)

Tuan,

**Tawaran Untuk Sebut Harga No. ....../.....**

Merujuk kepada perkara di atas, saya/ syarikat berminat menyertai sebut harga tersebut.

1. Tawaran saya/ syarikat adalah seperti berikut:-

| Bil | Keterangan Aset                       | Kuantiti         | Harga Tawaran<br>(RM) | Deposit<br>Sebut Harga |
|-----|---------------------------------------|------------------|-----------------------|------------------------|
| 1.1 | Kenderaan Buruk ( <i>Iron Scrap</i> ) | Satu (01)<br>Lot |                       |                        |
| 1.2 | Motosikal buruk ( <i>Iron Scrap</i> ) | Satu (01)<br>Lot |                       |                        |

2. Bersama-sama ini disertakan deposit sebut harga **RM11,500.00 (Ringgit Malaysia Sebelas Ribu Lima Ratus Sahaja)** dalam bentuk kiriman wang/wang pos/draf bank/ *Cashier's Order* atas nama Dewan Bandaraya Kuala Lumpur
3. Saya/syarikat memahami dan bersetuju dengan semua syarat-syarat yang ditetapkan.

Sekian, terima kasih.

Tandatangan : \_\_\_\_\_

Nama Syarikat : \_\_\_\_\_

Tarikh : \_\_\_\_\_